

# 卷一

書名 事物紀原二十卷 正統九年建安陳氏刊本  
 撰者 宋 高承 撰, 明 陳華 點, 明 趙弼 校  
 卷一  
 內容分類 子 類書 彙考 宋  
 索書號 大木-子部-類書類-47  
 編號 C5923000

彩色首頁

東洋文化研究所漢籍目錄 編號: C5923000

東洋文化研究所漢籍目錄所藏漢籍善本全文影像資料庫 索書號: 大木-子部-類書類-47

漢籍善本全文影像資料庫文本事物紀原二十卷 正統九年建安陳氏刊本

版權所有: 東京大學 東洋文化研究所

使用上的注意事項

事物紀原卷之一

天生植門

子曰太易者氣之未見也太初者氣之始也  
 者形之始也太素者質之始也形氣質具而  
 改曰渾淪高氏小史曰太易氣象未分太初  
 始萌太始氣象初端太素形氣變質太極形  
 質具然則元氣之始自太初也徐整三五曆紀

漢陽府推官建安陳華批點  
 致仕教諭 南平趙



高承編集





荆楚歲時記。西京雜記。蘇氏演義。蘇鷄作。

皇圖要覽。檀譚新論。稗官小說。

炙轂子傳。楊侃職林。歐陽詢藝文類聚。

太平御覽。列女傳。梁元纂要。

太白陰經。國語。劉公嘉話。

列僊傳。本傳。遁甲開山記。

三五曆記。徐整作。高氏小史。

國史補。李肇作。劉斧青瑣。

書傳諸儒姓氏。畢。

事物紀原卷之一

高承編集

漢陽府推官建安陳華批點

致仕教諭南平趙編校

天地生植門

元氣。列子曰太易者氣之未見也太初者氣之始也

太始者形之始也太素者質之始也形氣質具而

未離故曰渾淪高氏小史曰太易氣象未分太初

氣象始萌太始氣象初端太素形氣變質太極形

質已具然則元氣之始自太初也徐整三五曆紀



曰歲起提攝氏元氣肇始有神人號天皇氏又遁甲開山記曰蜀山氏分布元氣也

**天地**清輕者上為天重濁者下為地中和之氣人循之不得名曰易以變而為七七變而為九九復為一一者形變之始也清輕重濁清以陽發故氣冲為天濁以陰凝故沉為地天地形別謂之兩儀列子曰視之不見聽之不聞周易繫辭曰易有太極是生兩儀高氏小史曰兩儀分五運通二體分形離為清濁三五曆紀曰天地混沌如鷄子盤古生

其中一萬八千歲天地開闢陽清為天陰混為地盤古在其中一日九變神於天聖於地天日高一丈地日深一丈盤古日長一丈如此一萬八千歲天極高地極深盤古極長然後乃有三皇此天地人之始也

**四方**伍希明太乙金鏡經曰昔燧人氏仰觀斗樞而定方名東西南北是也然則四方之名蓋始自燧人氏定之

**日月**山海經曰東南海之外有羲和之國有女子曰



義和郭璞注云。羲和蓋天地始生日月也。

**星辰**馬總通曆曰。地皇氏定星辰。後漢天文志註曰。黃帝分星次方中外官。常明者百二十四。可明者三百二十。微星一萬一千五百二十。黃帝創制之大畧也。禮記云。帝嚳既序星辰。蓋地皇氏始定為星辰。人皇又名之。至帝嚳而序之。

**星官**後漢天文志曰。軒轅始受河圖。闞苞受視日月星辰之象。故星官之書自黃帝始。至高陽氏乃使漆正重司天。

**星次**帝王世紀曰。黃帝受命。乃推分星次以定律度。劉昭補註漢志亦曰。黃帝定星次。即今爾雅所記十二次與二十八舍之度。皆自黃帝初之也。

**宿度**王子年拾遺記曰。庖犧氏視五星之文。分略之度。史記曆書曰。黃帝名宿度。駱匡贊謂題名宿度之候。察進退三辰之度。吉凶之驗也。又曰。漢武招致方術士。唐都分天部。漢書音義云。謂分部二十八宿為矩度。而晉書天文志亦曰。庖犧氏立周天曆度也。



陰陽 春秋內事曰。伏羲氏定天地。分陰陽。

晝夜 通曆曰。地皇氏分晝夜。

五行 史記曆書曰。黃帝遠立五行。起五部。應邵曰。金

木水火土是也。孟康又謂天有四時。分為五行。

十二辰 事始曰。黃帝六子。子丑十二辰。以名月。又以十

二獸名。屬之。

君臣 典略載云。徐瓚表曰。皇羲以來。始有君臣上下

之事。由是推之。天皇以降。雖有其分。固已略矣。至大

昊始正之也。

夫婦 杜佑通典曰。燧皇氏始有夫婦之道。註云。人皇氏是也。

山嶽 王子年拾遺記曰。庖犧氏審地勢。以定山嶽。

山谷 遁甲開山記曰。厲山氏產生山谷。肇分自此始。

正朔曆數門

甲子世本曰。大撓造甲子。呂氏春秋曰。黃帝師大撓。

黃帝內傳曰。帝既斬蚩尤。命大撓造甲子。正時月。

探五行之情。占斗建。始作甲乙。以名日。謂之幹。作

子丑。以名月。謂之支。幹支相配。以成六旬。



歲黃帝定星曆。正閏餘以準歲事。至堯定四時成歲。書曰。春三百六旬。又云。以閏月定四時成歲。是則成歲之義。自陶唐始也。

正歷代所尚不同。故所為之正各異。邢昺論語疏。有推鄭康成尚書三帛註。謂舜以十一月。堯以十二月。高辛十二月。高陽十一月。少昊十二月。黃帝十一月。炎帝十一月。女媧十二月。又推易說卦云。帝出乎震。謂伏羲也。建寅之月。又以木之始。則正當從大昊始也。後避秦始皇諱。音從征。今尚云然。

閏。史記黃帝起消息。正閏餘則閏。蓋餘分之月也。黃帝造曆始正之。

月。通曆曰。地皇氏分晝夜。以三十日為月。翔高氏。小史亦云。

八。春秋內事曰。伏羲氏建分八節。以文應氣。晉天文志曰。炎帝分八節。以始農功。

氣。董巴議曰。昔伏羲始造八卦。作三書。以象二十四氣。消息禍福。以制吉凶。禮記月令註曰。昔周公作時訓。定二十四氣。分七十二候。則氣候之起始。



于太昊而定于周公也。

**賀正**通典曰漢高帝十月定秦遂為歲首七年長樂宮成制群臣朝賀至武帝改用夏正建寅之月是則元日慶賀始於漢高祖也。

**人口**東方朔占書曰歲正月一日占雞二日占狗三日占羊四日占猪五日占牛六日占馬七日占人八日占穀其日晴朗溫和則為蕃息安泰之候若陰寒慘烈為病疾衰耗之徵故杜子美詩曰元日至人日未有不陰時蓋傷時之言也推此當由漢

世始有其義。

**天慶**國朝會要曰太中祥符元年十一月詔以正月三日

天書降為天慶節休假五日。宋真宗時也

**李肇**國史補曰唐貞元五年德宗初置中和節李泌

傳曰德宗以前世上已九日皆大宴集而寒食多與上

已同欲以二月多節自我為古李泌請以二月朔為中

和節王溥唐要會曰貞元五年正月十一日敕曰四序

嘉辰歷代增置漢宗上巳晉紀重陽朕以春方發生候

惟仲月勾萌悉達自今以二月一日為中和節中者揆



三陽之中。和者酌仁義之和。因賜大臣減里刀尺。謂之  
裁度。民間以青囊盛百穀瓜果相遺。號曰獻生子。里閭  
作宜春酒以祭勾芒神。百官集農書以示務本。

漢國朝會要曰。天禧元年正月。詔以太中祥符元年四  
月一日。天書再降。內廷功德閣。其建為天祺節。一如天  
貺節例。乾興元年二月。禮儀院上言。四月一日。天書降  
日。節名下一字與御名同。合行回避。詔以天祺節為名。  
天祺祥符元年六月六日降。元祐二年五月八日。詔曰。其  
六月六日。天書降泰山日。宜為設醮。六月又詔在京及

諸州並賜休假一日。前此遣中使詣宰臣王旦第。特令  
中外賜假四年正月。以六月六日為天貺節。在京禁屠  
宰九日。詔諸路並禁。從歐陽彪之請也。

伏自曆忌釋曰。四時代謝皆以相生。立秋以金代火。而金  
畏火。故至庚日必伏。庚者金也。陰陽書言。夏至第三庚  
為初伏。第四庚為中伏。立秋後初庚為末伏。故謂之三  
伏。史記註有云。六月上伏。秦始皇之所置也。又云。秦穆  
公始為伏。又荆楚記云。伏日進湯餅。名為辟惡。蓋周時  
無此。至秦乃有之。



冬至通曆曰。地皇氏以十一月為冬至。高氏小史亦云。賀  
久玉燭寶典曰。冬至陰陽百物之始。日極南影。有履長  
之慶。冬至後日漸長。故謂之長至節。復卦土事。蓋陽為  
君子。陰為小人。一陽生於此日。乃君子道長。小人道消  
之時也。漢雜記云。冬至陽氣生。而君道長。故賀。然則冬  
至之賀。是漢制也。

**臘**禮記月令。孟冬十月。臘先祖。說文云。冬至後第三戌  
日是也。廣雅云。夏曰嘉平。商曰清祀。周曰大蜡。秦初曰  
臘。已而為嘉平。祭部云。漢改為臘。風俗通曰。臘者。獵也。

因獵取獸以祭先祖。或曰。臘者。接也。新說交接。大祭以  
報功也。蔡世昌獨斷云。臘者。歲終之大祭。仁送而不迎也。  
常言伏臘者。皆所以祭祀也。杜南秋懷詩。伏臘涕漣漣。  
謂祭先祖而悲泣也。

**曆**通曆曰。大昊始有甲曆。揚雄物理論曰。仲農氏立曆。曰  
漢律歷志。黃帝造曆。蓋巴曰。伏羲始作一卦。三畫以象  
二十四氣。黃帝因之。呂氏春秋曰。容成作曆。世本亦云。  
黃帝內傳曰。既斬蚩尤。乃命容成作曆。以司天也。

**曆**易說繫度曰。曆原名揆先。記曰。甲子七十六歲為一



紀二十紀為一部。首註云。陸光乃曆始之名。猶言無前也。沿革曰。黃帝考星曆。建五行。述消息正閏餘。謂之記。謂曆。後代因之。漢有大初。唐有麟德等名也。

後漢律曆志曰。隸首作算數。晉書律曆志曰。黃帝使隸首作算數。

魏劉氏曰。庖犧氏始畫八卦。作九九之術。以合六爻

之變。周公制禮。而有九數。九數之流。則九章是矣。一曰

方田。即今方量田二曰粟布。粟布是布是錢三曰衰分。此是理會

四曰少廣。如冬春種米其多五曰高功。此是工程六曰均

輸。均其道里七曰盈朒。盈是多。朒是少。數之盈者八曰方程。如算錢逐條除下零錢

九曰句股。此是量山量水之法。今軍中其法有然

唐堯即位。義和立渾儀。劉氏曆曰。高陽氏造渾儀。黃

帝為蓋天。是則渾儀始。于高陽氏。至舜則璇璣玉衡以

齊七政。

黃帝創漏。水制器。以分晝夜。成周之世。蓋氏學之

以百刻。分晝夜。

起于易。繫辭。重門擊柝之說。亦自軒轅始也。深刻漏

經云。漏刻之作。蓋肇于黃帝。宣于夏商。之代。周禮有挈



壺氏江掌刻漏者。

帝王台妃門

三項峻始學篇曰。天地初立。乃有天皇張情帝系譜曰。天地初起。溟滓鴻濛。即生天皇治世。一萬八千歲。此稱皇之始也。

由天皇至遂人。或言天皇入皇而遂人氏亦號皇帝。三氏紀曰。稱帝。堯義氏繼天而王。史記亦曰。帝太昊伏羲氏。此稱帝之始。

皇帝尚書呂刑曰。皇帝清問下民。蓋周穆王始以言。

也。秦始皇二十六年。初并天下。自以德兼三皇功過三帝。號曰皇帝。自秦漢以來。至今仍之。

夏商之前皆稱帝。自周始降帝為王。然夏啓之甘誓稱王曰嗟。仲虺之誥湯曰。惟王不迪。聲色則王之始也。

今說文曰。古之神聖母感天而生子。故曰天子。春秋元命包曰。安登生子。人面龍顏。始為天子之稱。帝王世紀曰。神農氏母有嬌氏之女。名曰安登。則天子之稱自炎帝始也。

百家劉向說苑。鮑白令對秦始皇曰。天下官則讓賢。天下



家則世繼故曰五帝以天下為官三王以天下為家蓋  
濟萬機論曰五帝官天下故傳之賢三王家天下故傳  
於子今指天子為官宗猶言帝主也其義始于此又相  
山野錄增文真宗明志仲容曰何故謂天子曰官家對  
曰將濟言三皇官天下五帝家天下兼三五之德故曰  
官家隋唐之前亦云大冢皆以稱至尊也

**五運**

通曆曰太昊以木德王始有甲曆五運項峻始學儒  
曰天地初立有天皇以木王是則五運之氣自天皇始  
也然天地開闢之初溟涬鴻濛萬物未立五運相乘

未詳也當自太昊為是壬子年拾遺記曰伏羲以木  
稱王居東方之舍養蚕化叶于木德其音附甲號曰木  
皇此宜木德相乘之始也前漢郊祀志晉書曰  
以為帝出乎震故庖犧氏始受木德馮鑑續事始引徐  
秀帝王年代圖云伏羲為百王之首故易曰帝出乎震  
即帝王五運震為木起自太昊也又穀子曰五運二說  
鄒衍以相勝劉向以相生自伏羲至顓頊以木火土金  
水相承漢魏以還共尊劉說孟說錦帶前書亦曰伏羲  
始以木德出乎震故曰太皞



**尚**歷代帝王為正各異故所尚不同。邢昺論語疏自女正尚黑推而上之謂伏羲以上未聞論女媧尚白神農尚赤黃帝少昊尚白高陽赤高辛黑陶唐白有虞赤所尚自太昊始也。

**國號**後漢班固典引曰肇命人主五德初始厥有號。莫不開元於太昊。註謂太昊號庖犧炎帝號神農黃帝號軒轅。蓋自燧皇而上止以自名。未為天下之號也。至太昊始以庖犧氏為號云。

**太子**唐虞而上皆傳之賢。故無太子之名。夏商之主惟傳其子。其支畧矣。至周始見文王世子之目。武王繼之稱太子發。武王此其始也。漢天子號皇帝。故其嫡稱皇太子。漢高帝紀。五年二月甲子。漢王即皇帝位。尊太子曰皇太子。此其始也。

**后**春秋始。曆序洛書。摘三辟曰。人皇於人。別表九州。離艮地精。女出為之。后。註云。離艮卦之所推也。此稱后之始。三代以上亦無其稱。但曰正妃。周人妃曰王后。

**如配也**。自太昊制嫁娶之禮。以相配偶。而無以妃名其偶者。帝王世紀。至黃帝始有元妃次妃之例。



天子之妃曰皇后。周人稱王妃曰后。秦稱皇帝亦稱皇后。后者繼體之君也。周人稱王妃亦以繼天子之後。故也。尚書顧命曰：皇后憑玉几。蓋史氏以言成王之以道繼人之後也。漢高帝紀七年：漢王即皇帝位，尊王后曰皇后。

**太后** 史記秦本紀曰：昭王母芋氏號宣太后。故范曄說秦王有獨聞太后之語。其後趙孝成王新立，亦有太后用事之說。是則太后之號自秦昭王始也。漢襲秦，故號皇帝亦尊帝母曰皇太后。

**太皇** 漢因秦，事帝母曰皇太后，故尊祖母曰太皇太后。其禮雖始於漢，實自孝武始也。按史記景帝二年四月壬午，孝文太后崩，高祖之薄，曰文帝之母，景帝之祖母也。爾時未號太皇，及武帝即位，御史大夫公羊高言：「明堂事，古馬遷于儒林，傳乃始稱太皇。」蓋太后好老子言，是太皇之號。自漢武始矣。竇武、文市之后，武帝之祖母也。

**太妃** 魏以來，諸王之母為太妃。此蓋其始也。司馬氏之晉，帝母其嫡為皇太后，所生母為皇太妃。晉元帝所生母稱皇太后，宋真宗皇帝即位，冊楊貴妃為太妃，亦所



生之母也。

**四妃**天官后妃四其一為正嫡其二為後宮故帝嘗取象於此立四妃而正嫡在比中然黃帝初為元妃嫫祖次妃嫫姆洎形魚氏方雷則有四妃之制自黃帝始矣三代有三夫人而無妃漢有貴人魏始置妃比夫人號唐初皇后之下有貴妃淑妃德妃賢妃是為四妃也

**貴妃**宋孝武孝建三年置貴妃又齊永明元年有司奏貴妃淑妃並加紫綬華佩于真玉

**淑妃**魏時帝置淑妃齊明中有司奏淑妃舊擬九棘以

淑為溫溫之稱妃為亞后之名進同貴妃加比三司

**德妃**隋煬帝置德妃后妃傳曰煬帝參詳典故自製美名有德妃為三夫人

**賢妃**唐百官志內宮有賢妃正一品註云因隋制也隋志及北史亦無此名蓋唐有國之初置也

**公主**春秋公羊傳曰天子嫁女於諸侯至貴不自主婚必使同姓者主之故謂之公主續事始曰自古至周天子之女未有封邑至周中葉使同姓諸侯主之始謂之公主也



**長公主** 蔡邕曰漢帝女為公主姊妹為長公主。職林曰漢制皇女皆封縣公主。儀服同列侯。其尊榮者加號長公主。儀同郡王。前漢婁敬說高祖以長公主妻單于。武帝亦稱衛長公主。此為長公主之始。夫昭帝後元二年二月戊辰即位。鄂邑公主益邑為長公主。即帝姊為長公主也。建武十五年光武封武陽公主為長公主。即尊榮之制云。

**太主** 漢武帝始封太長公主。號史記武帝本紀曰帝以衛長公主妻欒大。自王侯將相以下皆嘗獻之。余廣之。

武帝姑竇太后女太主之號自行於漢始明矣。東漢胡傳

武帝姑館陶公主號竇太主。

**郡主** 後漢帝女皆封縣公主。其諸王之女乃為公主。其父得以自主婚也。隋唐以來雖諸王之女亦封郡縣。但曰某郡某縣主也。

以來公主所封皆無封國者。唐書公主傳亦自高祖而下亦無其事。雖平陽公主有起兵參佐命之功。不過死加鼓吹而已。至睿宗女華婉乃劉后所生。始封代國公主。後遂以為常制。



事物紀原卷之一

事物紀原卷之二

漢陽府推官建安陳華批點  
致任教諭南平趙弼校正

嬪御命婦門

南史后妃傳叙曰晉武帝初置淑儀為九嬪視九卿  
唐百官志云明皇開元中置六儀其一曰淑儀用晉事

也宋真宗大中祥符六年正月二十一日增置淑儀官

南史魏明帝大始二年置淑容或置或否宋初亦省  
不置大中祥符中與淑儀皆置也